

岭
南
遗
书

嶺南遺書

楊議郎著書

嶺南遺書

漢南海 楊孚 孝元撰

南海 曾釗 勉士輯

異物志

儋耳南方夷生則鏤其頰皮連耳匡分爲數支狀如雞腸

纍纍垂至肩

後漢書明帝紀注

按後漢書注引楊浮異物志錢宮詹攷異云浮當作孚

稻交趾冬又熟農者一歲再種

初學記卷二十七

按齊民要術引云稻一歲夏冬再種出交趾太平御覽

引云交趾稻夏冬又熟較初學記引似更詳明以其皆

未著議郎之名故別編附後

文草作酒其味甚美土人以金買草不言貴也

北堂書鈔酒食部

橘爲樹白華而赤實皮旣馨香裏又有美味交趾有橘官

長一人秩三百石主歲貢御橘

初學記卷二十

按初學記卷三十果部又引曹叔異物志與此畧同惟

白華下無而字馨香下無裏字曹叔不知何時人太平

御覽列經史圖書綱目楊孝元異物志後有曹叔雅異

物志疑卽其人蓋生在議郎之後引用議郎書故有異

同歟

翠鳥形似鸞翡翠而翠青其羽可以爲飾

後漢書賈琮傳注

鷓能沒於深水取魚而食之不生卵而孕雛於池澤旣胎而又吐生多者生七八少生五六相連而出若絲緒焉水

鳥而棲高木之上

後漢書馬融傳注

鷓鴣不生卵而孕雛於池澤間既胎而又吐生

陸佃埤雅卷六

鯪鯢吐舌蟻附之因吞之又開鱗甲使蟻入其中乃奮迅

則舐取之

御覽九百四十七

按初學記引沈懷遠曰鯪魚異物志謂之鯪鯢蓋卽此文也

交州異物志

翠鳥先高作巢及生子愛之恐墜稍下作巢子生羽毛復

益愛之又更下巢也

御覽九百二十四

按藝文類聚引稱楊孝先交趾異物志先蓋元之譌交州交趾原爲一書故不別錄而附著於此

孔雀人拍其尾則舞御覽九百二十四

按藝文類聚引作人揮其尾則舞

鮫之爲魚其子既育驚必歸母還入其腹小則如之大則

不復太平廣記卷四百二十四

南裔異物志

儋耳朱崖俱在海中分爲東藩水經溫水注

髯惟大蛇既洪且長采色駁瑩其文錦章食豕吞鹿腴成

養創賓享嘉燕是豆是觴水經葉榆河注

翠爲六翮毛長寸餘青茸先高作巢以避患及生子愛之

恐墜稍下作巢子長羽毛復益愛之又更下巢而人得取

之矣翡大於燕小於鳥白黃泰泉廣東志卷二十四

按藝文類聚引交趾異物志御覽引交州異物志與此文畧同黃泰泉廣東志人物傳云南裔異物志御覽以南裔作交趾其書一卷據此則南裔交趾交州異物志一書三名然黃通志既引稱南裔故著於此

龍眼荔枝生朱提南廣縣犍爲犍道縣隨江東至巴郡江州縣往往有荔枝樹高五六丈常以夏生其變亦可食龍

眼似荔枝其實亦可食

文選蜀都賦注

按文選注引稱南裔志攷隋志無南裔志名疑卽楊議郎書故附於此

鬱金出罽賓國人種之先以供佛數日萎然後取之色正

黃與芙蓉花裏嫩蓮者相似可以香酒

本草卷十四

按本草引稱楊孚南州異物志考南州異物志萬震撰
非楊孚然則州乃裔之譌文耳姑附於此當更求善本
校之

臨海水土記

鰭魚鹿皮青目

初學記
卷三十

按錦繡萬花谷引作鹿文

板魚片立合體俱行比目魚也

初學記
卷三十

按錦繡萬花谷後集卷四十引此無板魚二字

魚牛象獺大如犢子毛青黃色其毛似毡知潮水上下

初學

記卷

鮫魚腹背皆有刺如三角菱也

廣韻十
六蒸

按廣韻引作臨海風土記風字蓋水字之譌

海豨豕頭身長九尺

文選江賦
李善注

按文選注引無臨海二字蓋脫文

楊議郎著書

譚瑩玉生覆校

謹按隋書經籍志異物志一卷後漢議郎楊孚撰交州異物志一卷楊孚撰新舊唐書志交州異物志一卷宋以後史志不著錄殆亡於宋時歟水經注引楊氏南裔異物志藝文類聚引楊孚交趾異物志初學記引楊孚臨海水土記隋志有臨海水土物志沈瑩撰非此書而隋志又皆無之黃泰泉云太平

御覽以南裔作交趾臨海水土記後人亦改名異物志然則三書蓋流傳稱名之異非隋時有佚也考楊孚爲漢章帝時議郎而臨海置於吳太平二年又續後漢書五行志注引楊孚董卓傳據此則議郎歷漢末至吳時尚存蓋百餘歲人矣而史志猶稱爲漢議郎其不仕吳可知粵人著作見於史志以議郎爲始而又享大年秉忠節如此其遺

書烏可任其散佚無傳爰刺取羣書以宋爲斷稱楊孚撰
者得若干條編爲一帙其不著撰名惟稱異物志者雖灼
知議郎書亦別爲一帙附於後愧讀書不多缺漏且誤尙
冀博物君子補而正之道光辛巳南海曾釗識於粵秀書
院之東齋

來記齊

一卅

月 鑑 炎 三 十 孝 著 二
南 漢 伍 氏 開 離

交州記卷一

嶺南遺書

晉 劉欣期 撰

國朝 曾 釗 輯

糠頭山在合浦海口傳云越王春米於此積糠所成

御覽八百

二十九

有一湖去合流北四十里至陰日百姓樵捕見銅船出水

上又有水牛在湖之中

初學記七

按合流太平寰宇記

一百七十一

引作合浦考輿地志並無

合流之名則作合浦是也然合璧事類引亦作合流未

知其審

鑿南塘者九真路之所經去州五百里馬援積石爲塘以

通於海達於象浦建標爲南極之界

御覽七十四

浮石山海中而峙高數十丈浮在水上

藝文類聚一

有一山神

功刻鏤若射堋去石堂口百步夜常聞射聲

藝文類聚八

按太平寰宇記引交州記云居風山南接射堋山據此則山在居風縣以射堋名也

居風山去郡四里夷人從太守裴庠求市此山云出金旣不許等有一嫗行田見金牛出食斫得鼻鑲長丈餘人後往往見牛夜出其色光耀數十里

御覽六百四十四

按劉昭續漢志注二十三引交州記云光曜十里與此稱數十里少異

儋耳之東臂一骨

御覽三百六十九

交趾之人出南定縣足骨無節身有毛臥者更扶始得起

廣韻

三

趙姬者九真車安縣女子也乳長數尺不嫁入山聚羣盜

遂攻郡常著金擗蹤屐戰退輒張帷幙與少男通數十侍

側刺史吳郡陸允平之

御覽三百七十一

按車安當據黎嶺志畧作軍安宋志隋志皆屬九真郡

擗蹤御覽四百九十九作蹋躡八百十一又作擗提未

知其審

俗好鼓琴牧豎於野澤乘牛唱遼遼之歌

歌曲說牛力強弱耕具輕重也

僮隸於月下撫掌發烈謠以令美歌

御覽五百七十二

一歲八蠶繭出日南也

文選李善注五

桑則大小二種小桑孟春